

嘉慶寧國府志

補遺目錄

職官表

職官

選舉志

科目

資叙

封誥

食貨志

田賦

藝文志

文集

詩集

人物志

名臣
文苑

宦績
懿行

儒林
方伎

孝行
節婦

職官補遺

寧國府糧捕通判張棟

山東蓬萊縣人壬子副榜嘉慶十三年任

寧國府經歷周錫齡

雲南楚雄縣人附貢嘉慶十二年任

宣城縣知縣嚴克任

湖南華容縣人庚寅舉人嘉慶十四年授任

宣城縣縣丞黃之澄

江西南豐縣人吏員嘉慶十三年任

宣城縣主簿郭蘭芬

陝西岐山縣人附貢嘉慶十一年任

宣城縣主簿向理

順天永高縣人吏員嘉慶十二年任

南陵縣教諭甯若波

青陽縣人壬子舉人嘉慶十一年任

南陵縣訓導查嶧山

興化縣人乙卯舉人嘉慶十三年任

涇縣典史王文烈

順天大興縣人監生嘉慶十一年任

寧國府志

卷末

寧國縣知縣

蘇景眉

廣東海陽縣人庚子
嘉慶十二年任

寧國縣教諭

顧清泰

寶山縣人乙卯副榜
嘉慶十二年任

太平縣典史

張鵬搏

順天宛平縣人吏員
嘉慶十二年任

太平縣學訓導

陸仁虎

常熟縣人甲寅解元
嘉慶十一年任

職官補遺

宣城縣水陽巡檢

嚴朝

順天大興縣人吏員
乾隆八年任

陳廷柏

順天宛平縣人吏員
乾隆二十三年任

胡炯

浙江山陰縣人監生
乾隆三十五年任

朱銑

湖南芷江縣人廩貢
乾隆四十九年任

張學銘

順天大興縣人供事
乾隆五十九年任

吳兆南

紹興山陰縣人監生
嘉慶元年任

婁源

順天宛平縣人吏員
嘉慶八年任

楊憲

直隸定州人附監生
嘉慶十三年任

黃池巡檢

魯文彬 順天大興縣人供事
乾隆二年任

孫勝蛟 浙江山陰縣人供事
乾隆十二年任

沈威遠 順天大興縣人供事
乾隆二十九年任

謝肇洋 浙江會稽縣人監生
乾隆三十五年任

衷和 江西南昌縣人監生
乾隆四十五年任

陸維章 浙江上虞縣人供事
乾隆四十七年任

蔣泰 湖北黃陂縣人監生
乾隆五十二年任

谷先富 湖南宜章縣人監生
乾隆五十二年任

馮照楠 浙江桐鄉縣人監生
乾隆五十七年任

彭璋 順天大興縣人供事
嘉慶九年任

涇縣茹蘇巡檢

李祖修 順天大興縣人吏員
乾隆五年任

陳右曾 浙江會稽縣人吏員
乾隆十六年任

李可達 順天大興縣人供事
乾隆二十八年任

汪立誠 浙江錢唐縣人監生
乾隆三十一年任

莊齡 蘇州元和縣人監生
乾隆三十六年任

劉經綸 順天永清縣人吏員
乾隆五十二年任

魯濂 江西南城縣人監生
乾隆五十九年任

劉時蔚 山西忻州人吏員
嘉慶七年任

慎承恩

浙江烏程縣人附監
嘉慶九年任

楊國楹

江西清江縣人監生
嘉慶十三年任

寧國縣岳山巡檢

李如玉

順天大興縣人供事
雍正十一年任

鄺士遂

浙江會稽縣人監生
乾隆十八年任

林 闌

廣東平州人監生
乾隆三十七年任

劉廷燦

河南固始縣人監生
乾隆四十七年任

韓 姓

四川成都縣人監生
乾隆四十九年任

沈崑元

蘇州元和縣人監生
乾隆四十六年任

高昌丙

太倉州寶山人
乾隆六十年任

許

澍

浙江仁和县人
嘉慶元年任
世事

韓

巖

蘇州元和縣人
嘉慶五年任
監生

黃明泰

順天宛平縣人
嘉慶九年任
供事

陸宗顯

順天大興縣人
嘉慶十年任
供事

程健元

江西樂平縣人
嘉慶十三年任
監生

聶愈煥

湖北鶴峯州人
嘉慶十三年任
附監

胡樂巡檢

衛

梓

松江府華亭縣人
乾隆十二年任
吏員

汪

鎬

浙江桐鄉縣人
乾隆二十八年任
附貢

鍾秉恒

浙江蕭山縣人
乾隆二十九年任
吏員

楊承勛

順天大興縣人供事
乾隆四十年任

宣 鑒

蘇州吳縣人供事
乾隆五十九年任

凌 燦

順天大興縣人供事
嘉慶五年任

徐清鑑

浙江錢唐縣人監生
嘉慶十三年任

旌德縣三溪巡檢

王廷宜

蘇州吳縣人吏員
乾隆十六年任

廖嘉猷

江西會昌縣人吏員
乾隆十九年任

潘振宗

浙江德清縣人供事
乾隆三十四年任

劉經綸

順天永清縣人吏員
乾隆四十五年任

張 溶

廣東英德縣人監生
乾隆四十六年任

張 溶 乾隆四十九年後任

羅 懿 沛 廣東陸平縣人監生
嘉慶三年任

太平縣宏潭巡檢

唐 躍 浙江泰縣縣人供事
乾隆二年任

荆 文 元 河南武陽縣人監生
乾隆四十四年任

蕭 韶 江西寧州人監生
乾隆四十九年任

斯 脩 順天宛平縣人監生
嘉慶六年任

按巡檢一官雖與武脩實隸文職舊志未經載列于文職
之次漏也第欲追溯于設立是官之始世代久遠無從考
錄茲就文冊所留遺老吏所及知者按年登載宜涇寧旌

五邑凡五十九各俾後來修輯者得所考據云

科目補遺

嘉慶丁卯科舉人

朱鍾

涇縣人府學

章作舟

涇縣人

潘錫恩

涇縣人

朱芬

旌德縣人

丁卯科副榜

黃醇

南陵縣人

朱宗慶

涇縣人府學

呂嘉禾

旌德縣人

丁卯科 恩賞舉人

章翼 涇縣人

翟樞 涇縣人

潘恩孟 涇縣人

章珍 涇縣人

杜以煥 太平縣人

丁卯科 恩賞副榜

汪湛 涇縣人

陳洙 旌德縣人

戊辰 恩科舉人

梅軫 宣城縣人

董正治 涇縣人

包世臣 涇縣人

朱廷魁 涇縣人

胡沛澤 涇縣人

吳雲程 涇縣人府學

王光彥 太平縣人府學

張應揚 太平縣人

戊辰 恩科副榜

何煥文 南陵縣人

朱佑

涇縣人

崔墳

太平縣人

戊辰科

恩賞舉人

萬一注

南陵縣人

吳翹鳳

涇縣人

汪湛

涇縣人

翟夢槐

涇縣人

王用笏

旌德縣人

戊辰科

恩賞副榜

張熾

宣城縣人

秦度儀 南陵縣人府學

查際盛 涇縣人

焦卓然 太平縣人

王戡山 太平縣人

戊辰科進士

吳鸞 涇縣人

吳昌齡 涇縣人

胡岱雲 寧國縣人

戊辰科會試 恩賞職銜

葉占奎 南陵縣人嘉慶六年恩賞舉人七年欽賜翰林院檢討銜

葉 芷

涇縣人嘉慶六年 恩賞舉人七年 欽賜翰林院檢討銜十三年 欽賜國子監司業銜

衛 珽

涇縣人乾隆戊申科舉人嘉慶四年 欽賜國子監學正銜六年 欽賜國子監助教銜七年

欽賜翰林院檢討銜十年 欽賜翰林院編修銜十三年 欽賜國子監司業銜

潘思孟

涇縣人嘉慶十二年 恩賞舉人十三年 欽賜翰林院檢討銜

翟 隆

涇縣人嘉慶十二年 恩賞舉人十三年 欽賜翰林院檢討銜

吳壽昌

涇縣人乾隆庚子科舉人嘉慶十三年 欽賜國子監學正銜

葉必藩

涇縣人乾隆乙卯科舉人嘉慶十三年 欽賜國子監學正銜

杜以煥

太平縣人嘉慶十三年 欽賜翰林院檢討銜

戊辰 恩科武舉人

劉朝緯

旌德縣人

資叙補遺

南陵縣

潘懋性捐納吏目康熙甲戌年選任廣東雷州府遂溪縣典史

封蔭補遺

涇縣

翟奎因子著任永福縣知縣封贈文林郎

田賦補遺

寧國府學新助田數

吳宗澤助田二所一坐落宣邑小東鄉凌家冲地方田十畝九分四厘計六坵折實田九畝六分八厘一毫九絲一坐落宣邑小東鄉湖田地方田十畝一分計六坵折實田八畝九分三厘八毫五絲

吳宗澤涇縣人

南陵縣書院捐田屋數

王文粹捐庄屋十宅田八十畝共田塘厝基八十一畝二分坐落南陵縣上北鄉長冲

戴大楚戴穀戴大案共捐田六十一畝六分庄厝六進一半共田

塘基地四十一畝六分坐落涇縣八角亭

葉廷選葉逢浦葉逢淳共捐田五十五畝三分坐落南陵縣南鄉合河口新屋裏下南冲燕窩里中分里下分里等處

劉鍾華捐田四十畝一分五厘坐落南陵縣下東鄉新建圩

俞式金捐田三十畝四分坐落基溝基塘稅三分坐落蕪湖縣白沙圩黃泥埧

戴允紀捐田二十一畝四分坐落三都梅樹岡等處

潘榮捐田一十三畝一分坐落南陵縣張家灣

謝元惠捐田八畝二分坐落南陵縣東鄉蒲橋

藝文補遺

嘉慶二年重修寧郡試院碑記學政戴均元撰

凡前人之事莫不望後人之成而勿壞而後人每不克承者勢殊則情易離人衆則心難一也當事之始志以帥氣一人主之故易成若傳是志于子若孫其氣已不集矣而猶親見其祖父之有是志也則勉而成之迨成之而其志已遂事已訖由是而降其孫又生孫者已爲蘇文公之所云由一體而爲路人者也路人之勢其祖宗之德行狀貌且將忘之況其爲祖宗所成之事況其所成者非其家之事而爲合郡之公事又非一人之力所能任必聚族而謀醵金而請如汪氏子孫之重修試院者耶

昔汪氏之修試院也以孫子而成祖父之志已云僅矣乃任之事者一人猶曰其孫也捐之金者四人猶曰皆其子與孫也越于今五十餘年而昔之爲孫子者茲則曾元矣昔之一人任事者茲則幾十人矣昔之四人捐金者茲則歛之更衆矣然而太守劉君以一紙書詢之而汪氏子孫遂踴躍而金集不待約而事成何汪氏子孫之多賢也余奉

命督學上江前年歲試是郡歸而劉君告余以汪氏之將有是舉也今年科試復至是郡則重修之功竣已五月而劉君且以作記請余嘉汪氏之能保其祖宗之業也而知汪氏之睦於宗族不忘其先也余嘉汪氏之能任是合郡之事也而知汪氏之益

公慕義供上之令也余嘉汪氏之多賢子孫也而知斯土風俗之厚劉君化導之美而我國家教養漸摩之久也夫採風問俗道揚教化使者之事也余故不辭而爲之記至于前之董事者爲汪玉堂暨諸父汪觀淵汪國釗汪國鏡其祖爲汪永年則前使者雙大司成記之今之董事者爲汪翥雲汪楊正棧汪杼汪榮汪居仁汪紹伊汪鼎周汪青選則太守劉君記之其如末余不贅述

汪永年卽汪大過詳見懿行志

嘉慶十年重建七賢祠記 安徽分巡道宋 鎔撰

寧國郡北門外川原廣延岡巒環繞其間隆然特起者爲敬亭山循麓而上踞山之腰者爲穿雲亭又上爲翠雲庵最上爲額

珠樓樓之東偏爲七賢祠七賢者謝公元暉李公太白韓公退之晏公同叔范公希文張公藐山姜公如農也諸賢地相遠世相後而其所以合祀之故則前人已詳言之矣祠凡三楹乾隆戊午歲家念庭先生守郡時勸捐重修迄今闕六十餘年棟宇漂搖委在榛莽諸賢之位或附他廟非所以安神靈也嘉慶甲子冬予與魯太守英別駕暨六邑宰謀所以新之各捐俸廉屬府校官沈沾霖董其事三閱月而成仍其故址規模稍加于舊前宣城令朱炳南復于捐修之外置僧田數畝以奉馨香繼自今七賢之靈實式憑之庶幾垂永久矣予唯宛陵郡屬若琴高隱雨之在涇川瞿硎文脊之在寧國子明棲真之在旌德何琦

郎陵之在南陵類皆地以人傳矧敬亭北峙亘縣百里合沓齊
雲固宜昇嶂鍾奇降靈尤異如七賢祠者或以詞翰著或以功
業顯或以志節彰前古後今炳彪史冊雖所處不同而道德文
章皆足以天下後世法以故後之人想其丰采奉爲典型藉林
石之幽奇結景行之素願譬之憩甘棠而思召伯愛峴山而慕
羊公共垂不朽者固自有在若僅以江樹歸舟之詠孤雲飛鳥
之詩遂謂騷人逸士遊目騁懷足以擅名勝而著芬芳則謝李
諸公固有專祠而非七賢同祀茲山之義也是爲記

詩集補遺

賦謝梅耦長送木瓜

王士正 新城

宣城木瓜壁西洛秋林黃處滿寒烟寄來修竹明
意底留伴踈梅小雪前橘柚初包難遣致植梨雖
好不須憐相思愧乏瓊琚報重賦風人第一篇

和王阮亭詠木瓜

施閏章 宣城

舊貢宣城土物傳携來還帶故山烟香風似傍
蘭皋坐品目元居橘頌前幽谷華林全不改旅人
詞客總應憐同聲託好頻投報肯數何郎賦一篇
何承天有木瓜賦

名臣補遺

南陵縣

何燧爲諸生時赤貧見人掘取窖銀請書不顧從歸太僕震川遊太僕極器重之其爲吏科都給事中時條陳五事疏上詔勅部行燧益感奮自効具疏凡數千言尤爲愷切宸衷默契將大用而遽以疾卒于官常嚴嵩專國濫權時吏多緘默燧獨無所畏忌侃侃具疏切中時弊之言具名臣也其出身事蹟詳見宦業志

宦績補遺

旌德縣

汪燦由國學生捐納直隸州知州乾隆四十四年選授湖南郴州知州廉明決獄革除陋習由郴州調任道州時老幼執香送者填溢衢巷並立生祠以祀道州盜賊素多燦密訪窩家先後獲三百餘人坐以法盜風遂息境南麻灘道通粵路甚險與奸宄潛伏燦捐廉鑿山通道五十里行旅以安尋擢河東鹽運同終養回籍

太平縣

項雯由國學生考授京秋補保定府完縣知縣雯減耗省刑雪冤

獄治績稱最陞山西大同府同知大同近邊界要加意警飭境
內肅然安堵以疾歸

儒林補遺

太平縣

崔師訓學主無欺爲諸生時以崇正學排異端爲已任時崇尚華
瞻師訓獨鑒心六經宗守程朱明萬歷戊戌成進士癸卯典蜀
試師訓誠士子毋爲老佛曲學所惑平生洞究諸書尤深於易
著易旨大成四卷太史朱彝尊採入經義考謂能詳人之所畧
又著性理大全龍山遺稿行世其居官事蹟詳載宦業志

孝行補遺

宣城縣

殷熒性至孝年一歲失怙祖母撫育成人母歿守墓三年祖母歿亦守墓三年人稱爲孝子順孫嘉慶十二年 旌

涇縣

吳台少爲叔母王氏撫育台事嫡母盡孝色稍不怡卽長跪引罪色霽方起居喪哀泣如嬰兒視諸姪若己子鄉里咸稱其孝慈旌德縣

戴若榛生二歲父遠游不返年七歲就母問故涕泣不已年十三母得瘋症手足拘攣榛朝出採薪供給母食歸則守母側洗滌

穢器無不躬親如是者十餘年一日有數人入山採樵忽聞虎至各驚走若榛獨後自分必死向天泣曰床上母無人侍養奈何虎越林而去年二十三母死若榛曰向之不敢遠離者母在故也今母棄世請與鄰父老別不見父不歸矣走哭母墓三日行至揚州無有知其父者逕往河南山東欲往京師尋覓父跡適鄉親有信言其父病滯淮安若榛兼程赴淮至則其父已歿停棺僧寺若榛伏地痛哭扶柩歸與母合塋焉

太平縣

劉星秀元祐時人性孝友父母愛其季弟里秀時有徵役當里秀行星秀曰父母年衰非里秀侍左右不樂今應役若父母何

請已代之父母不可星秀竟往應役卒于兵邑人哀之爲具衣棺招魂葬於其先人墓側事載劉氏宗譜

王之木父病侍湯藥衣不解帶母邁急疾醫藥罔效之本默禱於神剖股和藥進之夢神語曰延壽一紀後果如夢親歿廬於墓側一日風大作墓傍大樹欲仆棺之木拜跪哀號已而樹仆地去棺僅尺餘棺得無恙墓山野火延燒將及棺之木奔救無措向火叩頭風迴火熄人皆以爲孝感云邑宰田榕贈額純孝天全學政 朱額獎風迴兆樹乾隆三十九年 旌

焦吉韓童年喪母其繼母患痿痺手足不能運吉韓藥必親嘗食必親進晝夜護視數十年無少懈及母歿廬墓三年邑宰李林

額獎德孝風淳捐資修白茅嶺山徑越數年又助田租六十秤
爲永遠修路裔孫翰林院吏目良宦繼成之乾隆五十年懋遷
當塗捐米賑濟奉 部議獎

崔時四幼喪母父患癆疾家貧負擔苦不能朝夕侍側每日黎明
卽具飲食就床請命背負起坐視飲食畢然後出門卸擔急歸
沽酒肉供晚饌三十年如一日

文苑補遺

涇縣

翟思睦廩貢生工詩古文詞司訓臨淮造士甚盛告歸後吟咏自適歲時會課供給膏火故人韓文成令涇邑調蕪湖屢邀不往及韓卒往哭之哀餽穀爲歸櫬焉著有耕墅文集閒遊詩草

吳維駿順治丁酉舉人是科詔舉子覆試賦春雨二十韻維駿詩典瞻風雅都門傳頌康熙庚戌成進士著有四書講說

翟可先歲貢生敦品力學淹通經籍萬應隆引爲畏友年臻耄耄披尋不輟學者多宗之

馬騰蛟拔貢生少能文試輒冠軍家貧授徒養親惟肄力於經史

子集嘗纂修郡志並縣志著有悟臺遺稿

崔永檀幼聰穎善屬文下筆輒千言工詩畫由舉人補山陽縣
導循循課士非公事不與邑宰相見著有香林集唐宋文選
崔繩祖穎悟篤學淹貫經史以進士任池州府教授訓迪士子恪
守正誼明道之旨倡議改建考棚重造城南通濟橋撰九華取
水紀畧識者稱爲見道之言攝秀山書院數年不受脩脯告歸
日閩郡士人攀輿泣送著有強學齋文集四書釋畧蘭院詩草
趙友廣增監生博覽羣書尤達於詩嘗註選詩傾液錄以教後學
又採國朝澤人詩彙爲蘭石詩抄以續里音賞音後而精嚴
過之著懶雲詩抄卒年八十

懿行補遺

宣城縣

夏寅邑庠生父病顛天求代伯兄早世撫其孤成立乾隆丙子歲大饑寅變產一百三十畝糴穀三百餘石以賑里族宗譜年久未修出已資四百餘金以爲公用里中喪葬婚嫁不能遂者凡數十家悉解囊助之著有生明軒詩文集

徐湛國學生繼母與湛年相若湛事之如所生早晚率妻問視有譴責卽長跪待罪族人羣稱其孝乾隆戊寅巳卯庚寅辛卯頻年大疫道殣相望湛施棺瘞骸甲子乙丑庚寅水旱捐資濟助不下數百金族黨中積逋約數千金湛父臨歿悉以付湛曰欲

取則取否則焚之湛悉焚其券父含笑而逝

徐學夔邑庠生幼失怙恃事祖母色養無違痛弟寧早世撫卹孤寡委曲備至終日儼坐如見賓客治家嚴而有法子弟十六歲以上雖盛暑毋許袒裼蒚山本武姓所售術者謂傍武塚吉夔不可曰求我福而侵他人非義也乾隆己丑歲大饑出穀百餘石以賑貧乏丁酉又饑倡議平糶鄉里德之

王標太學生母早逝事繼母極得其歡家世青囊之學凡遠近求醫貧者不取值併助資養之費每歲暮給米以濟貧乏乾隆乙巳大旱倡議出粟平糶親族不能婚娶喪葬者捐金飲之庚寅大疫市樸瘞殮人咸德之

南陵縣

汪國佐國學生年甫六歲父患瘋痰晝夜不離左右父卒撫棺悲泣如成人及壯與兄分爨兄負逋國佐代償里人某將鬻妻以償債國佐聞之贈銀五十兩完其夫婦乾隆十八年捐銀五百金建碧溪橋又捐修鵝嶺橋澄清橋三十一年捐修聖廟併奎星閣生平義舉甚多

涇縣

翟尚鑑由明經司訓儀徵教人以忠信篤敬爲本康熙戊子歲水
災倡輸穀千石以濟貧困族之有力者效之活人無算邑修
文廟兩廡未逮鑑獨力重建并文昌土地等祠囑子孫永遠修

葦子思旺臨淮司訓思曉兩淮鹽運分司孫大程進士

查思詔十歲喪母哀毀過成人依違墓側者三載稍長事繼母備盡孝敬父患痿痺詔孝養彌篤晝夜護視九載衣不解帶溺器遺穢俱親爲滌除父卒廬墓三年嘗創建五世祖祠置祭田興文會助考費人咸仰之

汪連性純謹好施與嘗承祖嘉賓志與弟珊瑚等共捐資置涇邑公館於郡城東阪頭學官送考得有棲息乾隆五十年歲大歉輸銀五百兩周濟族人

汪珊廩貢生始祖塋徽郡年遠失奠珊邀族衆清理墓地倡修捐資置祭田爲永遠計友人趙友璋沒爲刻其遺稿

胡大佳植品端方好施與早世子士英等克承父訓敦善行孝事
孀母同爨五代里中義舉無不倡首捐資乾隆二十年捐修琴
溪橋一洞孫斗元等建村旁曲水石橋二次琴溪東頭橋三次
五十年餓捐銀五百兩以給里黨嘉慶辛酉年又建琴溪橋一
洞皆體大佳遺志也

吳子孝篤修內行勵節義嘗著孝字說酌取禮俗立家規八條手
訂延陵譜牒

查世熾至性過人母病率妻奉湯藥母卒哀毀骨立承母遺命輸
田入祠以爲祭資兄熊患瘋疾罄囊療治起居扶掖者六載熊
卒撫姪如子嘗誓無服族人十數棺歲祿率先捐濟

翟夢綬端謹好義兄弟叔姪間情義尤篤輸田三頃于宗祠曰胥樂庄遇窮困推解罔吝

翟廷璽性孝義嘗割股療親疾捐千金於宗祀興文會

馬元勝乾隆丁酉年建琴溪橋乙未年重修 聖廟大成殿俱有

碑記

萬調元國學生居宜境之沿觀渡少業詩書樂施好義乾隆三十四年圩被大水調元出錢穀周濟貧民又於六寶圩買山地掩埋枯骨

胡超芳郡庠生幼失怙勵志讀書嘉慶壬戌年與弟超芳捐資重建學之崇聖宮勒碑於學惜早卒

寧國縣

胡秉良國學生篤友愛尚雍睦與兄同爨終身未嘗析箸乾隆二十年曾買本族田畝踰年其人以親老告貸秉良將田券還之又本族有向秉良飲木貿易者遭水飄泊竟不索價

旌德縣

譚及少喪父友愛諸弟俾各成立父有積逋獨力擔承遇歉歲解囊拯濟親里貧乏者周卹備至助其婚娶妻江氏贊成之臨沒命子傑等捐五百金入祠生息以脩救荒典文會又捐百金修葺橋路後嗣遵行卒年八十有七

汪聯選慷慨好義買三畝佔地設義塚收塋二百餘棺置義田銀

五百兩歸宗祠永濟貧困

汪添崇實黜華不求聞達歲祲必首倡平糶清溪村爲徽寧孔道
橋被水冲捐資三千餘金獨力重建輸家塾爲合族會文所
汪篤周尚義樂施遵父命捐田三十畝以贍宗族又捐田六十畝
建書塾供膏火歲歉捐資平糶築義塚以瘞骨骼義舉甚多

呂德俊服賈于宣邑之灣沚鎮積勤起家施濟不吝乾隆乙巳歲
祲出粟濟貧設糜粥於棉杭洞活人無算重建龍池五里之鳳
凰橋又建惠風亭以惠行旅置買馬兒坳山場凡客死者得安
葬焉

呂德性慷慨好施生平遊歷甚廣率車至廬江縣見城外有骸骨

暴露者悉收瘞之廬郡之三河鎮向來設渡往來甚苦德性設
太平渡以濟行人至今賴之

江志元字荆山奎之子附貢生績學工文制義淳雅好音樂施乾
隆乙巳歲設捐資平糶創興孝友堂文會經理置田以垂永久
前後捐銀二百兩生息爲士子應試資斧置買高園頭地爲親
友無力者埋葬焉臨終遺命二子竭力爲善今後裔遵行弗替
以孫洪業贈朝議大夫

太平縣

周建勲邑庠生父早卒勲年幼母病衣不解帶及歿哀毀廬墓遵
父遺命捐木山十七號計科一百一十畝零歲得數百金置義

田百畝贍族又鑿石築隄通溪水入河舟行稱便邑宰萬禮祖
額獎孝義可風督學周 額獎積善力行先是勲祖東溪僑居
和州烏江捐貲造惠政橋年久傾圯勲鬻產往修焉碑記可考
劉應盛邑庠生樂善好施捐金創建宗祠康熙戊子年同子成鐸
赴試途遇楊氏買婦應盛取金四十兩與之後數年楊夫婦奉
金還盛不受又過興嶺有蕪湖張天明爲盜傷應盛贈費送其
至家邑侯朱良深嘉其義額獎曰虞庠德邵

焦延選邑庠生流博羣書精於易理誘掖後進貧士從遊不受脩
金轉資膏火門人多顯達者建祠宇修義塚造文星樓平險道
濟荒歎捐費多金不吝鄉里有焦善人之稱子學遂庠貢生孫

升庠序數人邑侯曹夢鶴額云世業縹緲

胡士英躬行隱德康熙戊子歲大水東溪河漂尸甚多士英買棺殮埋移至王家山立有碑碣命子孫世祀之其子貢生碧蛟在漢陽鎮倡立義塚凡太邑客亡者悉葬焉並買房屋一所歲收租以爲殮殯之用歲歉賑飢承父志也

張應械歲貢生窮經學尤邃于葩經翰林蔣士銓贈詩有申韓毛韓詎相淹翁其伯仲匡說詩之句邑修文廟應械首事建造書院傾圯首創重建糾族人設立宗祠年九十一五世一堂壽終

方鵬飛年八歲父邁疾危中夜向天祈禱願以身代里人奇之幼

弟患疾遺產悉以讓之隣人李彬負銀數百金稔其家貧竟焚其券北溪橋堤圯獨力修築於溪河邊設立夜燈以照人行置燈油田以垂永久捐修西隅鄉約所朔望集宗親講約乾隆乙巳歲歉鵬飛輸粟助賑邑侯 贈以樹德培風匾額並買地數處名方山義塚葬隣里中家貧不能葬者

于也臣生平多長者行邑積逋遺命諸子輸金於庫邑宰李峰上其事巡撫獎額曰公懷克繼並飭書名于旌善亭

林貴家貧輟讀愁遷江右與弟富分析弟以不善服賈耗金殆盡其母憂形于色貴出其所獲以半歸弟遞年如此至老析產互相推讓族中貧戶有逋賦者悉爲完納平治路修橋梁凡二十

年前後所費共二千金有奇

程廷先邑庠生年十二父貿易浙江染病家中問信廷先請於母欲往省母以年幼不允廷先星夜潛行數日抵杭父見驚喜病遂愈父母歿弟三人皆年幼廷先教以詩書造義塾於松塢鄉黨中貧者悉附焉南鄉地名石壁下道路崎嶇旁臨深澗廷先鑿石砌路上下十數里得成坦道

胡紹虞由賓貢生選授蘇州府新陽縣學訓導培植士子沈確士王爾達贈以匾額曰蘇湖世範著有性理辨是足翼程朱凡地方義舉必倡捐爲衆人先

崔洪學國學生讀書敦行承父志倡建宗祠捐資置田贍族遇歉

歲捐穀周卹造亭施茶鑿築富沿坑龍門嶺諸險道約費數千金欲建石村河梁資志未就其子五人鳴夏輩繼成之費萬有二千金知縣曹夢鶴爲之記名曰廸成橋

方伎補遺

涇縣

吳掄工行楷書篆隸尤古雅有求之者窮日夜之力應之無倦
有拙山印譜一卷傳世

朱之璋妻馮氏

潘原綵妻梅氏

潘元倫妻馬氏

李廷輔妻丁氏

何列含妻孫氏

潘懋林妻程氏

邱祖賜妻魯氏

徐邦彥妻王氏

包家愛妻萬氏

范良雙妻胡氏

梅科揚妻王氏

劉林妻夏氏

黃景謨妻葉氏

葉紀遵妻錢氏

貞女

潘百陸聘妻王氏

年十久未婚夫故
守貞三十三載

劉祖祐女二女五女

天性純篤母病二女侍湯藥醫不許字
此朝夕母傍不離左右五女先母卒卒年

二十九歲二女後母
卒年四十七歲

涇縣

王時傳妻查氏

蕭祉頂妻胡氏

王典年妻張氏

查繼益妻蘇氏

查忠講妻王氏

節烈

查崇贊妻汪氏

十八歲十歸二十九歲夫亡守節一十七年一日告辭她徑日向之不卽就死者因有一男一女耳今婚嫁事畢可以從吾人于地不失人以爲戲言竟聞戶自縊

節婦補遺

寧國縣

胡啓明妻楊氏

李承後妻洪氏

俞興德聘妻梅氏

鄭華繼妻胡氏

胡儒選繼妻丁氏

胡光簡妻程氏

陳大祿妻程氏

楊一本妻汪氏

胡哲祥妻戴氏

胡賢仁妻董氏

戴儒恭妻萬氏

戴守旺妻洪氏

貞女

程學庭聘妻吳氏

旌德縣

湯民國妻黃氏

方振妻朱氏

姚紹訓妻汪氏

郭賢溪妻劉氏

孝婦

舒演榮妻汪氏

姑病醫藥不效割股和藥以進姑病竟愈鄉人以爲孝感

太平縣

羅道隆妻芮氏

胡履斗妻孫氏

焦宏炳妻湯氏

焦良寶妻朱氏

陳德星妻崔氏

胡履鰲妻黃氏

劉大申妻鄭氏

王鵬程妻查氏

王元齡妻舒氏

王會鏞妻吳氏

以上族爭
實冊增

節烈

譚光普妻劉氏

年十八歸譚夫客死訃至卽欲以身殉家人固
守之旣而柩至撫棺長慟曰自縊卒年二十

四
歲

古之善治軍者曰游關曰彌縫所以補其師爲完軍也修志之列補遺亦所以助其書爲完璧也法家無漏蹟豈塗附哉然而拾遺補闕古人所難蓋取有關係者補之則正志爲疎矣取無關係者補之則補遺爲贅矣如褚少孫之補遷史有相益無相軋古今能數觀此筆乎戊辰首夏余膺

簡命來守宣州適屆郡志垂成予瀏覽之餘覺湖山環翠汗簡餘青湧現毫素而桓謝政蹟心尤嚮往將奉爲涖民補過之則若夫勤採顧弄柔翰補前人之漏畧固未暇也乃前之泣斯郡者賢而多文已將補遺脩列條目使不加纂輯豈完書乎于是倩學博沈湘葵類益條附各有增補幸告竣矣庶幾事

數文簡足與正志發明而無滲漏是則予所深冀夫昔已已
冬仲知寧國府事鍾英跋